



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXX. Confirmatio Decreti Congregationis Particularis a Sanctissimo
Generalis Congregationis Doctrinæ Christianæ Avenionem. in Domo
Provinciæ Romanæ residere debeat.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

CCXXX.

Confirmatio Decreti Congregationis Particularis a Sanctissimo deputatæ, per quod decernitur, quod Procurator Generalis Congregationis Doctrinæ Christianæ Avenionen. in Domo Provinciæ Romanæ residere debeat.

CLEMENS PP. XII.

Ad futuram rei memoriam.

Facti series.

§. 1. **F** Manavit nuper a Congregatione Particulari nonnullorum Ven. Fratrum nostrorum S. R. E. Cardinalium a Nobis in causa Congregationis Doctrinæ Christianæ Avenionen. inter dilectos filios Presbyteros sæculares Provinciæ Romanæ ex una, & Provinciæ Galliæ dictæ Congregationis ex altera partibus vertente deputata Decretum tenoris, qui sequitur, videlicet:

Decretum
Congrega-
tionis.

§. 2. Die 14. Aprilis 1738. Congregatio Particularis a Sanctissimo Domino Nostro deputata EE. & RR. DD. Cardinalium Barberini, Spinula, Portia, Gentili subrogati in locum cl. me. Card. Orighi, & Guadagni, ac mei infra scripti subrogati in locum R. P. D. Jaccher cum Voto, in causa Congregationis Doctrinæ Christianæ Avenionen. inter Provinciæ Romanam, & Provinciæ Galliæ, auditis quoque Partibus super Bula unionis Provinciæ Romanæ Ecclesiæ, & Domus S. Mariæ in Monticelli, sa. me. Benedicti XIII., sub datum anni 1726. quarto Kalendas Martii rescriptis, ad Mentem, mens est: Consulendum Sanctissimo, quod ibidem residere debeat Procurator Generalis totius Congregationis Doctrinæ Christianæ Avenionen. solutis Alimentis. Factaque etiam super hoc, die sequenti, relatione hujus resolutionis per me infra scriptum eidem Sanctissimo Domino Nostro, Sanctitas Sua supradictæ Congregationis Particularis sententiam in hac quoque parte probavit, ac juxta eam opportunas literas in forma Brevis expediri mandavit Franciscus Episcopus Ostien. Card. Barberinus, Nicolaus Xaverius Archiepiscopus Athenarum Secretarius, Loco ✕ Sigilli.

Confirmatio
Pontificia.

§. 3. Cum autem, sicut Presbyteri sæculares Provinciæ Galliæ Congregationis Doctrinæ Christianæ hujusmodi nobis subinde exponi fecerunt ipsi Decretum hujusmodi, quo firmius subsistat, & fervetur exactius, Apostolicæ confirmationis nostræ patrocinio communiri summopere desiderent. Nos ipsorum Exponentium votis, hac in re quantum cum Domino possumus favorabiliter annuere volentes, & eorum singulares personas a quibuscumque excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinatis, Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus.

Præsentium
Literarum
firmitas.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari, sique in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere, ac irritum, & inane si secus super his a quocumque quavis auctoritate, scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit memoratarum Provinciarum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub annulo Piscatoris die 2. Maii 1738. Pontificatus nostri Anno Octavo.

Dat. die 2.
Maii 1738.
An. VIII.

Confirmatio Brevis Urbani VIII. confirmatorii aliorum a Pio II., Julio II., & Sixto V. editorum, nonnulla Privilegia, & Indulta Communitati, & Hominibus Civitatis Beneventan. concessa continentium, præsertim, quod primæ, & secundæ instantiæ causarum temporalium, vel Civilium extra dictam Civitatem cognosci non possint.

CCXXXI.

CLEMENS PP. XII.

Ad perpetuam rei memoriam.

P Aterna, quam de nostris & Sanctæ Romanæ Ecclesiæ etiam quoad temporalia Subditis gerimus, cura nos urget, atque impellit, ut eorum commodis jugi vigilantia studentes, ea, quæ a Romanis Pontificibus Prædecessoribus nostris pro Civitatibus, Oppidis, & Terris temporalis ejusdem S. R. E. Ditionis in pacis amœnitatem conservandis benigne, sapienterque concessa, & ordinata esse noscantur, quo parenti firmitate subsistant, Apostolici muniminis nostri patrocinio constabiliamus.

Proœmium.

§. 1. Dudum siquidem fel. rec. Urbanus PP. VIII. Prædecessor noster omnia, & singula statuta dilectorum filiorum Communitatis, & Hominum Civitatis nostræ, tunc suæ Beneventan., necnon quæcumque Privilegia, & Indulta eisdem Communitati, & Hominibus per alios Romanos Pontifices Prædecessores nostros tunc suos, & eorum quemlibet quomodolibet concessa, confirmata, & innovata, præsertim a fe. re. Pio II., & Sixto V., qui etiam, ut ad unguem observarentur statuit, & perpetuo ordinavit, Romanis Pontificibus Prædecessoribus nostris, tunc suis, approbavit, & confirmavit, & ut in Bannimentis generalibus circa Statum Ecclesiasticum editis, & edendis, Civitas Beneventana prædicta non censeretur comprehensa, nisi expresse nominata fuisset, concessit, & indulgit, & alias prout uberius continetur in ipsius Urbani Prædecessoris literis desuper in simili forma Brevis die prima Julii 1634. expeditis tenoris qui sequitur, videlicet.

Concessum
ab Urbano
Privilegium.

§. 2. Urbanus PP. VIII. Ad perpetuam rei memoriam. Sincere fidei, & devotionis affectus, quo dilecti filii Communitas, & Homines Civitatis nostræ Beneventanæ nos, & Romanam prosequuntur Ecclesiam, promeretur, ut eorum votis quantum cum Domino possumus annuentes, specialibus eos in dies favoribus, & gratiis prosequamur. Alias siquidem fel. rec. Pius Papa II. Prædecessor noster, Civibus, & Incolis, & Habitatoribus Civitatis præfate, ne in quibuscumque causis temporalibus, seu civilibus in primis, & post deputatum Judicem appellationis secundis instantiis per quoscumque extra Civitatem prædictam, quavis auctoritate, vel

Tenor Brevis
Urbani.